

hi bráchium meunt, et indignátio mea ipsa auxiliáta est mihi.

R. Omnis terra adóret te: \* Et psallat tibi. Omnis. . . . V̄. Psalmum dicat nómini tuo Dómine. \* Et psallat. . . . Glória. . . . Omnis. . . .

V̄. Dóminus regnávít, decórem índuit.

R. Índuit Dóminus fortitúdinem, et præcínxit se virtúte.

### IN II VESPERIS.

*Omnia ut in primis præter ultimum Psalm. cujus loco erit: Voce mea ad Dóminum, ut in folio 8.*

#### AD MAGNÍFICAT.

*Aña.* Homo quidam dives ab Arimathæa, nómine Joseph, accépto córpore Jesu, invólvit illud in Síndone munda.

## FERIA SEXTA

POST DOMINICAM III. QUADRAGESIMÆ.

### DE SS. QUINQUE VULNERIBUS D. N. J. C.

DUPLEX MAJUS.

### IN I. VESPERIS.

*Añæ. et Capit. de Laudibus Psalm. Crédi-di cum reliquis ut in officio de Passióne, ut in folio 30.*

#### HYMNUS.

PANGE, lingua, gloriósi,  
Láuream certáminis,  
Et super crucis tróphæo  
Dic triumphum nóbilem:  
Quáliter Redémptor orbis  
Immolátus vícerit.

De paréntis protoplásti  
Fráude Factor cóndolens,  
Quando pomi noxiális



In necem morsu ruit:  
Ipse lignum tunc notávit,  
Damna ligni ut sólveret.

Hoc opus nostræ salútis  
Ordo depopóscerat:  
Multifórmis proditóris  
Ars ut artem fálleret:  
Et medélam ferret inde,  
Hostis unde læserat.

Quando venit ergo sacri  
Plenitúdo témporis,  
Missus est ab arce Patris  
Natus, orbis Cónditor;  
Atque ventre virgináli  
Carne amíctus pródiit.

Vagit infans inter arcta  
Cónditus præsepia:  
Membra pannis involúta  
Virgo Mater álligat;  
Et Dei manus, pedésque  
Stricta cingit fáscia.

Sempitérna sit beatæ  
Trinitáti glória,  
Æqua Patri, Filióque,  
Par decus Paráclito:  
Unius, Triníque nomen  
Láudet universitas. Amen.

Ÿ. Vidébunt in quem transfixérunt.  
B. Et dolébunt super eum, ut in morte  
primogéniti.

## AD MAGNIFICAT.

*Añã.* Dum in cruce pendéret unigénitus  
Dei Fílius, et ab ómnibus subsannarétur,  
Mater ejus Virgo Maria, ipsum verum Deum  
et hómínem cóndolens venerabátur.

*Oratio ut ad Laudes.*

## AD MATUTINUM.

*Invitatorium.* Christum in cruce con-  
fixum, quinque plagis vulnerátum, \* Veni-  
te, adorémus.

*Psalms.* Venite, exultémus.

*Hymn.* Pange, língua, *ut supra.*

*In primo Nocturno.*

*Añã.* ¿Quis est iste, qui venit de Edom,  
tinctis véstibus de Bosra?

*Psalms.* 10. In Dómino confido, *ut in fo-  
lio* 71.

*Añã.* Quare rubrum est induméntum



tuum, et vestiménta tua sicut calcántium in torculári?

*Psalm.* 14. Dómine, quis habitábit intabernáculo tuo? *ut in folio* 76.

*Aña.* Torcular calcávi solus, et de gentibus non fuit vir mecum.

*Psalm.* 23. Dómini est terra, *ut in folio* 115.

*Ÿ.* Foderunt manus meas, et pedes meos.

*R.* Dinumeraverunt omnia ossa mea.

De Isaía Prophéta.

*Lectio I.*

*Cap. 53.*

Quis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti. Non est spécies ei, neque decor, et vídimus eum, et non erat aspéctus, et desiderávimus eum, despéctum, et novíssimum virórum, virum dolórum, et sciéntem infirmitátem, et quasi absconditus vultus ejus et despéctus: unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo,

et humiliátum. Ipse autem vulnerátus est propter iniquitátes nostras, attrítus est propter scélera nostra: disciplina pacis nostræ super eum, et livóre ejus sanáti sumus.

*R.* Gratificábit nos Deus in dilécto Filio suo: \* In quo habémus redemptiónem per Sánguinem ejus in remissionem peccatórum.

*Ÿ.* Ecce venit plenitúdo témporis, in quo misit Deus Fílium suum in terra. In quo.

*Lectio II.*

OMNES NOS quasi oves errávimus, unusquisque in viam suam declinávit; et posuit Dóminus in eo iniquitátem ómnium nostrum. Oblátus est quia ipse vóluit, et non apéruit os suum: sicut ovis ad occisiónem ducétur, et quasi agnus coram tondénte se obmutéset, et non apériet os suum. De angústia et de júdicio sublátus est: generatióem ejus quis enarrábit? Quia abscíssus est de terra vivéntium, propter scélus pópuli mei percússi eum. Et dabit ímpios pro sepúltura, et dívitem pro morte sua: eo quod iniquitátem non fécerit, neque dolus fuérit in ore ejus. Et Dóminus vóluit contétere eum in infirmitáte.



R. Nos, qui aliquándo erámus longe, facti sumus prope per sánguinem Jesu Christi. \* Ipse est pax nostra, qui fécit utráque unum.

V. A Dómino factum est istud, et est mirábile in óculis nostris. Ipse est pax. . . .

*Lectio III.*

*Cap. 63.*

**Q**UIS est iste, qui venit de EDOM, tinctis véstibus de Bosra? iste formósus in stola sua, grádiens in multitudíne fortitúdinis suæ. Ego qui loquor justítiam, et propugnátor sum ad salvándum. Quáre ergo rubrum est induméntum tuum, et vestiménta tua sicut calcántium in torculári? Torcular calcávi solus, et de géntibus non est vir mecum: calcávi eos in furóre meo, et conculcávi eos in ira mea, et aspérsus est sanguis eórum super vestiménta mea, et ómnia induménta mea inquinávi. Dies enim ultiónis in corde meo, annus redemptiónis meæ venit; circumspéxi, et non erat auxiliátor; quæsívi, et non fuit qui adjuváret.

R. In primogénito ex mórtuis compláuit omnem plenitúdinem divinitátis inhabitáre, et per eum reconciliáre ómnia in ipsum: \* Pacíficans per sánguinem crucis ejus, sive quæ in cœlis, sive quæ in terris sunt.

V. Ipse est caput córporis Ecclésiæ, in ómnibus primátum tenens. . . . Pacíficans. Glória Patri. Pacíficans.

*In secundo Nocturno.*

*Añã.* Foderunt manus meas et pedes meos: dinumeraverunt omnia ossa mea.

*Psalm.* 21. Deus, Deus meus, *ut in folio* 38.

*Añã.* A planta pedis usque ad vérticem cápitis non est in eo sánitas.

*Psalmus 65.*

**J**UBILATE Deo, omnis terra, psalmum dícite nómini ejus: \* date glóriam láudi ejus.

Dícite Deo: quam terríbilis sunt ópera tua Dómine! \* in multitudíne virtútis tuæ mentiéntur tibi inimíci tui.

Omnis terra adóret te, et psallat tibi: \* psalmum dicat nómini tuo.

Veníte, et vidéte ópera Dei: \* terríbilis in consíliis super filios hóminum.

Qui convértit mare in áridam, in flúmine pertransbunt pede: \* ibi lætábimur in ipso.

Qui domináatur in virtúte sua in ætérnum,



óculi ejus super gentes respiciunt: \* qui exasperant, non exaltentur in semetipsis.

Benedícite Deum nostrum: \* et audítam fácite vocem láudis ejus.

Qui pósuit ánimam meam ad vitam: \* et non dedit in commotiómem pedes meos.

Quóniam probásti nos, Deus: \* igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro: \* imposuísti hómines super cápita nostra.

Transívimus per ignem et aquam: \* et eduxísti nos in refrigerium.

Intróibo in domum tuam in holocáustis: \* reddam tibi vota mea, quæ distinxérunt labia mea.

Et locútum est os meum, \* in tribulatióne mea.

Holocáusta medulláta offeram tibi cum incénso ariétum: \* offeram tibi boves cum hircis.

Veníte, audíte, et narrábo, omnes qui tímétis Deum, \* quanta fecit ánimæ meæ.

Ad ipsum ore meo clamávi, \* et exaltávi sub língua mea.

Iniquitátem si aspexi in corde meo, \* non exáudiet Dóminus.

Proptérea exáudívit Deus, \* et atténdit voci deprecatiónis meæ.

Benedíctus Deus, \* qui non amóvit oratiómem meam, et misericórdiam suam a me.

*Añã.* A planta pedis usque ad vérticem cápitis, non est in eo sánitas.

*Añã.* Vulnus et livor, et plaga tumens non est circumligáta, nec curáta medicámine, neque fota óleo.

*Psalm.* 75. Notus in Judæa, ut in folio 122.

*Ÿ.* Vere languóres nostros ipse tulit.

*℞.* Et dolóres nostros ipse portávit.

De sermone San Bernardi Abbatis.

*Lectio IV.*

*Lib. de Pass. Dómini, c. 41.*

CAPTUS ergo Jesus post plúrimas illusiónes tam Judæórum quam géntium, post sánguinis plures effusiónes, clavis immítibus má nibus, simul et pédibus perforátur, et configítur ligno Crucis Salvátor noster mitíssimus Jesus. Intuére, et réspice rosam passiónis sanguíneæ, quómo do rubet in indícium ardentíssimæ charitátis. Conténdunt passio



et charitas: ista ut plus ardeat, illa ut plus rubeat.

R. Per mortem destruxit Jesus eum, qui mortis habebat imperium: \* Ut liberaret eos, qui timore mortis obnoxii erant servituti.

V. Unde debuit per omnia fratribus assimilari, ut misericors fieret. Ut liberaret....

*Lectio V.*

VIDE quomodo hoc flore rosae fluerit optima vitis nostra rubicundus Jesus. Vide totum corpus, sicuti rosae sanguinae florem non invenias. Inspice manum unam et alteram, si florem rosae non invenias in utraque. Inspice pedem unum et alterum, numquid non rosei? Inspice lateris aperturam, quia nec illa caret rosa, quamvis ipsa subrubea sit, propter mixturam aquae, quia, sicut narrat Evangelista, cum unus militum lancea latus ejus perforasset, exivit sanguis et aqua.

R. Per hominem mors, et per hominem resurrectio mortuorum: \* Et sicut in Adam omnes peccaverunt, ita in Christo omnes vivificabuntur.

V. Novissime autem inimica destruetur mors. Et sicut.....

Ex Eodem divo Bernardo.

*Lectio VI.*

*Serm. de Passione Domini.*

RÉSPICE, Domine sancte Pater, de sanctuario tuo, et de excelsis caelorum habitaculo: et intueere hanc sacrosanctam hostiam, quam tibi offert magnus Pontifex noster, sanctus puer tuus Dominus Jesus, pro peccatis fratrum suorum, et esto placabilis super multitudinem malitiae nostrae. Cognosce, Pater, tunicam filii tui Joseph. Heu! fera pessima devoravit eum, et conculcavit in furore suo vestimentum ejus. Ecce quinque scissuras lamentabiles in eo reliquit.

R. Videmus Jesum propter passionem mortis, gloria et honore coronatum, \* Ut pro omnibus gustaret mortem.

V. Decibat eum, qui multos filios in gloriam adduxerat, auctorem salutis eorum per passionem consummari. \* Ut pro omnibus..... Gloria Patri..... Ut pro omnibus.....



*In tertio Nocturno.*

*Añā.* ¿Quid sunt plagæ istæ in médio mánuum tuárum?

*Psalm.* 95. Cantáte Dómino, *ut in folio* 96.

*Añā.* His plagátus sum in domo eórum, qui me diligébant,

*Psalm.* 96. Dóminus regnávit *ut in folio* 97.

*Añā.* In amaritúdine sermo meus est, et manus plagæ meæ aggraváta est super gémítum meum.

*Psalm.* 97. Cantáte Dómino *ut in folio* 99.

Ÿ. Ipse vulnerátus est propter iniquitates nostras.

R̄. Attrítus est propter scélera nostra.

Lectio Sancti Evangélii secúndum Joánnem.

*Lectio VII.*

*Cap.* 19.

**I**N illo témpore: Sciens Jesus, quia ómnia consummáta sunt, ut consummarétur Scriptúra, dixit: Sitio Et réliqua.

## Homília S. Cyrilli Epíscopi Alexandríni.

*Lib.* 12. *Comm. in Joan.*

**C**UM ab immánibus Judæis omnis in Christum expléta esset impiétas, nec quidquam jam ad summan crudelitátem réliquum esset, ad extrémum caro Christi sanctíssima proprium quiddam, ac naturále rursus pátitur. Multis enim ac variis dolóribus exsicáta, siti torquétur. Graves síquidem dolóres magnam ad sitim commovéndam vim habent, naturáli quodam et inexplicábili calore húmidum consuméntes, et igneis ardóribus præcórdia uréntes.

R̄. Manifestáta est grátia Dei per illuminationem Salvatóris nostri Jesu Christi, \* Qui destrúxit mortem, illuminávit autem vitam in incorruptionem.

Ÿ. Liberávit, et vocávit nos vocatióne sua sancta per grátiam, quæ data est nobis in Christo. Qui destrúxit . . .

*Lectio VIII.*

**C**ONSUMMÁTUM esse ait impiétatis Judaicæ modum, et impoténtem sæviéndi ánimum, ¿Quid enim Judæi intentátum reliquérunt.



aut quid non extrémæ crudelitatis adhibuerunt? Quod supplicii aut contumeliæ genus prætermiserunt? Quámobrem jure: Consummátum est, ait: sed hora jam eum ad prædicándum spirítibus, qui apud íferos erant, invitante (advénit enim, ut mortuórum ac vivórum dominarétur) ipsam pro nobis mortem suscepit, commúnem hanc naturæ nostræ passiónem sustínuit in carne sua. Cum áutem Jesum caput inclinasse comperissent, et jam eum expirasse putarent, frustra ejus crura confringí existimant; sed cum adhuc mórtuum esse nonnihíl diffiderent, lancea latus ejus perfódiunt, unde cruor aqua mixtus scatúriit, quod Eulógiæ mysticæ et sancti baptismatis imágo quædam erat atque primitiæ. Christi, enim est vere et a Christo sanctum baptisma, et mysticæ Eulógiæ vis ex sancta ejus nobis carne pródiit.

R. Dignus es, Dómine, accípere librum, et aperíre signácula ejus, quóniam occíssus es, et redimísti nos Deo. \* In sángine tuo.

Ÿ. Fecísti enim nos Deo nostro regnum, et sacerdótes. In sángine tuo. Glória Pátri. . . . In sángine tuo.

*Lectio IX. de Homilia Ferice.*

## AD LAUDES

*et per Horas.*

*Añã.* Vere languóres nostros ipse tulit, et dolóres nostros ipse portávit.

*Psalm.* Dóminus regnavit. . . .

*Añã.* Ipse áutem vulnerátus est propter iniquitates nostras, attrítus est propter scélera nostra.

*Añã.* Alligávit Dóminus plagam pópuli sui, et percussúram ejus sanávit.

*Añã.* Omnis, qui transíbit, stupébit super omnes plagas ejus.

*Añã.* O vos omnes, qui transitis per viam, atténdite et vidéte, si est dolor sicut dolor meus.

*Capitulum.*

*Isaia 53.*

CHRISTUS vulnerátus est propter iniquitates nostras, attrítus est propter scélera nostra, cujus livóre sanáti sumus.

HYMNUS.

LUSTRA sex qui jam perégit,  
Tempus implens córporis,  
Sponte líbera Redéptor



Passióni déditus,  
Agnus in crucis levátur  
Immolándus stípíte.

Felle potus ecce lánguet;  
Spina, clavi, láncea  
Mitte corpus perforárunt:  
Unda manat, et cruor:  
Terra, pontus, astra, mundus,  
Quo lavántur flúmine!

Crux fidélis inter omnes.  
Arbor una nóbilis:  
Silva talem nulla profert  
Fronde, flore; gérmine:  
Dulce ferrum, dulce lígnum,  
Dulce pondus sústinent.

Flecte ramos, arbor alta,  
Tensa laxa víscera,  
Et rigor lentéscat ille,  
Quem dedit natívitas:  
Et supérni membra Regis  
Tende miti stípíte.

Sola digna tu fuísti  
Ferre mundi víctimam;  
Atque portum præparáre  
Arca mundo náufrago,  
Quam sacer cruor pèrúnxit,  
Fusus Agni córpore.

Sempitérna sit beatæ  
Trinitáti glória;  
Æqua Patrí, Filióque;  
Par decus Paráclito:  
Unius, Triníque nomen  
Laudet univérsitas. Amen.

℣. Vidébunt in quem transfixérunt.

℞. Et dolébunt super eum, ut in morte  
primogéniti.

AD BENEDICTUS.

*Añã.* Unus mílitum láncea latus ejus apé-  
ruit, et contínuo exívit sanguis et aqua.

ORATIO.

**D**EUS, qui unigéniti Fílii tui passióne, et  
per quinque vúlnera ejus sánguine effus-  
sióne, humánam natúram, peccáto pérditam,  
reparásti: tribue nobis, quæsumus; ut qui ab  
eo suscepta vúlnera venerámur in terris,  
ejusdem pretiosíssimi sánguine fructum cón-  
sequi mereámur in cælis. Per eúndem.

AD TERTIAM.

*Añã.* Ipse autem.

*Capítulum.* Christus vulnerátus *ut supra.*

℞. *br.* Fodérunt manus meas, \* Et pe-  
des meos. Fodérunt. . . . ℣. Dinumeravé-



runt omnia ossa mea. Et pedes.... Gló-  
ria Patri.... Foderunt.... *Ÿ.* O vos om-  
nes, qui transitis per viam. *R.* Atténdite, et  
vidéte dolórem meum.

## AD SEXTAM.

*Añã.* Alligávit Dóminus.

*Capítulum.* *Isaie* 50.

**F**ACIEM meam non avérti ab increpántibus,  
et conspuéntibus in me. Dóminus Deus au-  
xiliátor meus, et ideo non sum confúsus.

*R. br.* Veré languóres nostros \* Ipse tu-  
lit. Veré.... *Ÿ.* Et dolóres nostros ipse por-  
távit .... Ipse tulit.... Glória Patri.... Veré  
languóres..... *Ÿ.* Disciplína pacis nostræ su-  
per eum. *R.* Et livóre ejus sanáti sumus.

## AD NONAM.

*Añã.* O vos omnes.

*Capítulum.* *Isaie* 53.

**T**RADIDIT Christus in morte ánimam suam  
et cum scelerátis reputátus est; et ipse pec-  
cáta multórum tulit, et pro transgressóribus  
rogávit.

*R. br.* Ipse vulnerátus est \* Propter ini-  
quitátes nostras. I pse.... *Ÿ.* Attritus es

propter scélera nostra. Propter iniquitá-  
tes.... Glória Patri.... Ipse vulnerá-  
tus est.... *Ÿ.* Oblátus est quia ipse vóluit.  
*R.* Et non apéruit os suum.

*In secundis Vesp. omnia ut in primis.*

## AD MAGNIFICAT.

*Añã.* Ego sum vestra redemptio: manus  
meæ, quæ vos fecerunt, clavis confixæ sunt:  
propter vos flagéllis cæsus sum, spínis co-  
ronátus sum, aquam pétii pendens, et acé-  
tum porrexerunt; in escam meam fel dedé-  
runt, et in latus lanceam: mórtuus et sepúl-  
tus resurrexi: vobiscum sum, et vivo in  
ætérnum.

## FERIA SEXTA.

POST DOMINICAM IV. QUADRAGESIMÆ.

## DE PRETIOSISSIMO SANGUINE D. N. J. C.

DUPLEX MAJUS.

*Omnia ut in ejus festo Dominica prima  
Julii.*